

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
ZENICA
Broj: T04 0 KT 0051736 24
Zenica, 11.11.2024. godine

OPĆINSKI SUD U ŽEPČU
- Sudiji za prethodno saslušanje -
Ž E P Č E

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

N. B., neosuđivan,

što je:

1. tačno neutvrđenog dana u mjesecu junu 2021. godine, oko 22,00 sati, u Žepču, u mjestu Ž., J., putem svog mobilnog telefona švicarskog korisničkog broja pozvao oštećenog Ć. B. na njegov mobilni telefon korisničkog broja 06..., opsovao mu mater a potom ozbiljno prijetio riječima „Vidjet ćeš šta je sandžačka krv“, rekao mu da reži na njega, da će mu pobiti svu familiju, djecu i unučad, da se ne igra sa njim i da ga zove na dvoboj kako bi na taj način završili, iako je bio svjestan da će ovakve njegove riječi kod oštećenog izazvati osjećaj straha i nesigurnosti, što je i htio, koje prijetnje su kod oštećenog Ć. B. ugrozile osjećaj sigurnosti, izazvale strah, osjećaj uznemirenosti i bojazni za njegov život, ali i život njegove porodice,

2. tačno neutvrđenog dana u mjesecu avgustu 2022. godine, oko 09,00 sati, u Žepču, prišao oštećenom E. B. pri tome se osvrćući oko sebe i uputio mu ozbiljnu prijetnju riječima „Imam dva miliona franaka, vidjet ćete ko sam ja, jer ja imam ljude koje ću platiti da vas srede“, iako je bio svjestan da će ovakve njegove riječi kod oštećenog izazvati osjećaj straha i nesigurnosti, što je i htio, koje prijetnje su kod oštećenog E. B. ugrozile osjećaj sigurnosti, izazvale strah, osjećaj uznemirenosti i bojazni za njegov život,

3. krajem januara 2023. godine, u Žepču, nakon što se sastao sa oštećenim N.B. u restoranu „K...“ u mjestu D. G. kako bi pronašli rješenje oko ranijih poslovnih nesuglasica, udario šakom od stol za kojim su sjedili i oštećenom uputio ozbiljnu prijetnju riječima „Vidjet ćeš ti ko sam ja, imam ljude, zapamtit ćeš!“, iako je bio svjestan da će ovakve njegove riječi kod oštećenog izazvati osjećaj straha i nesigurnosti, što je i htio, koje prijetnje su kod oštećenog N.B. ugrozile osjećaj sigurnosti, izazvale strah, osjećaj uznemirenosti i bojazni za njegov život,

dakle, ozbiljnom prijetnjom da će napasti na život i tijelo više osoba ugrozio njihovu sigurnost i izazvao osjećaj uznemirenosti i straha,

čime je počinio krivično djelo Ugrožavanje sigurnosti iz člana 183. stav 2. u vezi sa članom 55. KZ F BiH.